

# Ɔwulú Gyankpapuá Paulo Lówanlín Sísí Tesalonikafɔ

**1** <sup>1</sup>Mí Paulo, mía Silwano pú Timoteo dé Ɔwulú ánfɔ wanlín sísí ɔpasua ání ígyi anɔ Sí Bulu mva anɔ Wíe Yesu Kristo klé, ɔbu Tesalonika wúluto.

Anɔ Sí Bulu mva anɔ Wíe Yesu Kristo bugyíi mlɔ buale, abuha mlɔ iwilwii.

## Tesalonikafɔ Hógyi

<sup>2</sup>Ní anudé mpái bɔ há mlɔ brégyíbré á, anutedá Bulu ɔpán mlɔ féé nwunsv. <sup>3</sup>Anɔtetsíá káín anɔ Sí Bulu mlɔ hógyi gyumagyihe. Alá mlɔdé mbódí bɔ dwé aba, pú alá mlɔlatomi há mlɔ ansí dɔn anɔ Wíe Yesu Kristosv kínkíínkín. <sup>4</sup>Apíó, anyin ání Bulu tɔdwé mlɔ, alalé mlɔ púbwé mv kle. <sup>5</sup>Tsúfé megyí ɔnɔ keke anɔlɔpu bebláa mlɔ \*asun wankláán ámv. Mboún mlɔlówun Ɖɔɔé Wankíhé amv túmi é. Ínɔ léha mlɔlébɔ wankláán ání asún ámv igyi ɔnɔkwali. Mlɔlówun tsiátɔ oduá anɔlɔpɔtsíá mlɔtɔ é, alá ɔbɔbúá mlɔ sv. <sup>6</sup>Mlɔlékasí anɔ anɔ Wíe tsiátɔ. Tsúfé asún ámv sv mlɔlówun ɔwɔɔsɔn tɔɔtɔɔtɔɔ, táme mlɔlɔpu ansigyí ání itsú \*Ɖɔɔé Wankíhé wá hɔ mú. <sup>7</sup>Mú sv ɔleha ahógyipúá bubu Makedonia ɔsulúsv pú Akaia ɔmátɔ féé beki mlɔ bwehé, buo mú. <sup>8</sup>Tsúfé megyí Makedonia pú Akaia wule anɔ Wíe asún ámv lekleí tsú mlɔ wá yó. Mboún mlɔ Bulu hógyi asún é lakléí yó ɔtínegyíɔtíné. Mú sv asvansv má unvá abétrá blí tsú mú ɔwɔ. <sup>9</sup>Tsúfé amú onutó bude alá mlɔlɔpukítá anɔ bréá anɔlébá mlɔ wá blí. Alá mlɔlési ɔkpi súm ba mlɔdé Bulu Ɖkɔankpapu Ɖnɔkwaliɔpu amv mboún súm. <sup>10</sup>Pú alá mlɔgyó bréá Bulu mv Bi Yesu

ámúú ɔɔkɔsúba tsu afúlitɔ ámu ɔbélatsú ɔsúsú bá. Mogyí ɔhá ání ɔde aní le tsú Bulu ɔblɔ́ ámúú íbá ámutɔ ní.

### Paulo Tsiátɔ́ Tesalonika Wúluto

**2** <sup>1</sup>Apíó, mli onutó mliyin ání aní mli wá bá mɔbwe kpaali. <sup>2</sup>Mliyin alíá bɔwa aní amumvɔɔ, súpa aní Filipi wúluto asa anilébá mli wá. Mliyin ání aku bumotsulá, behie kúsú líí anisv; táme aní Bulu lówa aní ɔwunlín, anilébláa mli \*asun wankláán ámu. <sup>3</sup>Tsúfé megyí afunu asún anudéblí. Mú su nde mli kokóli. Megyí agywun laláhe kuku ígyi, anumédé mli mlé é. <sup>4</sup>Bulu lóhɔ anisv gyi, ɔɔpɔ mu asun wankláán ámu wá aní íbutɔ. Mú anudéblí ní! Megyí anyánkpúsa ansítɔ anudékú blí mú, Bulu yin aní klvntɔ. <sup>5</sup>Mlihié mliyin ání megyí ɔnɔ́ dédé anulópɔ ba mli. Animéba bɔwa afunu kuku é súná mli, púnýá ɔkɔ tsú mli wá. Bulu gyí aní ɔdansiyin. <sup>6</sup>Anumódunká kanfú tsú nyankpusa ɔkuku, mli, ntée ɔha bambá wá. Kristo \*sumbí ayɔpú anígyí. Mú su tekí aníbu ɔkpa sí iwí tswí mlisv, <sup>7</sup>táme anulólwíí há mli, kí mli fé alíá abí-oyín tekí mu onutó abísú. <sup>8</sup>Anitehié klé mli asún. Mú su megyí Bulu asun wankláán ámu nkule anulópɔ ba mli, mboún anlési aní iwí é há mli, tsúfé mlílamlí aní adwepú. <sup>9</sup>Apíó, yée mlékaín agyómá ání anulóyɔ ɔpa múa onyé púnýá tɔ́á ilehián aní? Alíá anuméesi ipian tswí mlisv bréá anidé Bulu asun wankláán ámu ɔkan da súná mli sù anulóbwe mú alí.

<sup>10</sup>Mli ahógyipɔ amv pú Bulu gyí aní adansíɔ alíá anulópɔtsíá mlitɔ. Aní iwí letín, aní asún da ɔkpa, ɔlala é metsiá aní iwí. <sup>11</sup>Mliyin ání anulékpa mlitɔ okugyíɔkɔ fé alíá abí-ɔsí tekpá mu abí. <sup>12</sup>Anulówa mli atetɔ-ɔnlun, lwíí mli klvnt, tɔ́í kplá mli aníaa, mlítsiá tsiátɔ́á ilegíyi Bulu ansí. Mvletí mli ɔbée, mlíbénýa mu iwíegíyí pú mu numnyam amv íkɔ.

<sup>13</sup>Tɔ́á svá anutedá mu ipán brégyíbré é gyí, bréá anulópɔ mu asún ámu ba mli á, mlímótsu mú ání nyankpusa wá itsú. Mboún mlílóhɔ mú ání lélé, itsú Bulu wá; tsúfé mú Bulu dépyyɔ́ agyómá mli ahógyipɔ amutɔ ní. <sup>14</sup>Apíó, mlílamlí

fé Bulu ɔpasua ání ububu Yudea ɔmátɔ, bugyi Kristo Yesu klé amu. Mlilówun ipian mli pɪ ubitɔ, fé alɪ ámúbú amú é bowun ipian amú pɪ Yudafɔ ɪbitɔ ámu. <sup>15</sup>Yudafɔ lómɔ Bulu ɔnɔsú atɔípú pú anɪ Wíe Yesu. Amú kén lagya anɪ lé ɔmá ámvtɔ. Butamakle ahá asún, butamagyi Bulu ansí. <sup>16</sup>Bɔkvsú líí anɪsv ká anɪ itin bæ, anímábla ahá ání bumegyí Yudafɔ nkpahɔ́ asún ámu, Bulu ɔhɔ amú nkpa. Ínɪ bwe lahá amú lakpan labiayi. Mú sv ulahá Bulu lanyá ɔblɔ́, ɔbébutí amú ɪsv.

### Paulo Lékléá ɔbélayéktɪ Tesalonikafɔ

<sup>17</sup>Apíó, anulénatí mli wá ɔpá anímókúsí mɪsv kaín. Mú sv anihíé anidé ɔkpa dunká ání abéla bowun mli ansítɔ́, tsúfé anidé mɪsv kaín dɔbɪ. <sup>18</sup>Anulékléá abélaba mli wá. Mí Paulo onutó ó nabwé agywun ání néyinkí bá ɪvɪ ita tsefɪnɪ, táme ɔbvnsám méha ɔkpa. <sup>19</sup>Ma sù anɪ ansí dɪn? Megyí mli sv ansí de anɪ gyí ání abénya ɔkpa tsú ɪwɪ anɪ Wíe Yesu ansítɔ́ bréá ɔbéba? <sup>20</sup>Lélé mú á, mɪgyí anɪ numnyam pú anɪ ansigyí.

### Timoteo Tesalonika Yɔ

**3** <sup>1</sup>Mú sv bréá anímébí alɪá mli tsiátɔ́ igyi, ɪde anɪ háan a, anɪlɔ́bwe agywun anɪaa, anɪ mú abétsiá Atene wúlutɔ́, <sup>2</sup>awa anɪ pío Timoteo, ogyi anɪ Bulu agyómáyɔbá Kristo \*asun wankláán ámu ɔkandatɔ́ sɪsv mli, ɔbɔwa mli ɔwunlín. ɔtɔɪ kpla mli amlɪlu kínkíínkín hógýtɔ́, <sup>3</sup>ménu mltɔ́ ɔkɔkv méeyinkí ɔma asun wunhe anɪ sv. Mli onutó mɪyin ání igyi t́á ɪda yaí há anɪ Akristofɔ́ dodo. <sup>4</sup>Tsúfé bréá anɪbv mli wá á, anulébláa mli ání bédunká mɪsv. Lélé bedunká mɪsv fé alɪá mɪyin. <sup>5</sup>Ínɪ sv bréá netsiá mmetsiá á, nɔwa Timoteo mli wá mbéɛ, ɔbéktɪ alɪá mlidé hógyi amvtɔ́. Tsúfé ɪbétalí ba ání ɔbvnsám lasɔ́ mli kɪ, há anɪ gyumagyihe labwé kpaali.

<sup>6</sup>Timoteo layínkí pú asun wankláán tsúa mli wá ba anɪ séi, tsú mli hógyi pú mli abadwe ɪwɪ. Alabláa anɪ ɔbéɛ, mli é mlidé anɪsv kaín dɔbɪ. Mlídékléá mlówun anɪ, fé alɪ ámúbú anɪ é anudékléá abówun mli ámu. <sup>7</sup>Mú sv apíó, mli hógyi lawá anɪ atetɔ́-ɔnlɪn, anɪ ipian pú anɪ asun wunhe féétɔ́;

<sup>8</sup>Tsúfɛ mlílí aní Wíe hógyito kínkíínkín. Mú su aní klvɔn ládí aní así. <sup>9</sup>Ípán mɔmɔ abókuku da Bulu mlí su, ansíá ide aní gyí mu ansító su? <sup>10</sup>Anutehíé bɔ mpáú kókóli Bulu ɔpa múa onyé aníaa, ɔhá ayinki bowun mlí, méni abósuná mlí t́á íbéha mlí hógyi b́fɔn.

<sup>11</sup>Aní Sí Bulu onutó mva aní Wíe Yesu bufínki ɔkpa ha aní aba mlí wá. <sup>12</sup>Aní Wíe ɔhá mlí apíó aba pú ahá f́éé dwe ɔnɔ́ iwa ɔnlɔn, fé alí ámúbú anitɔdwé mlí ámu. <sup>13</sup>Ɔwá mlí ɔwɔnlín, méni aní Sí Bulu omóowun ɔlala mlí iwí, ifin kuku é méetsiá mlí iwí mu ansító, aní Wíe Yesu mva mu ahá f́éé ɔbáke amu.

### Tsiát́á Ilegyi Bulu Ansí

**4** <sup>1</sup>Apíó, utráhe a, anulósuná mlí tsiát́ó, méni Bulu ansí bégyi mlí iwí. Lélé mú á, alí mlí tsiát́ó gyí ní. Séi á, anihíé anudé mlí kokóli aní Wíe Yesu dátó aníaa, mlíbwéé mú dɔn alí. <sup>2</sup>Tsúfɛ mliyin mbla ámúbú anulówa há mlí aní Wíe Yesu idátó ámu. <sup>3</sup>Bulu dékléá mlíháa mlí iwí itɔn. Mú su mlímáwa atsi múa ayin asón. <sup>4</sup>Mlító okugyíɔku ɔbí alíá ɔbékutá iwí, iwítún pú obú ɔkpasu. <sup>5</sup>Ímábwe ɔwólí laláhe ɔkpasu, fé alíá ahá ání bumeyín Bulu butɔbwé. <sup>6</sup>Mlító ɔkuku másisíi mu ba, swíi mu mu ka. Tsúfɛ aní Wíe ɔbébití ahá ání butɔbwé mú odu ísu. Anudé mlí ɔlá da, fé alíá anulóku bláa mlí yái. <sup>7</sup>Tsúfɛ Bulu méti aní ɔbéé, abá bɔɔ mbua; mboún ɔbéé, ifin kuku mátsiá aní iwí. <sup>8</sup>Mú su ɔhagyíɔha ání omegyí atosunáhé anísu á, megyí nyankpusa omédébu. Mboún Bulu ámúbú ɔlɔpu mu Ɔɔɔe Wankíhé há mlí ámu.

<sup>9</sup>Imehián ání abówanlín asvansu tsú mlí aba akristofɔ dwe iwí sísí mlí. Tsúfɛ Bulu onutó lasúná mlí alíá mlídwéé mlí aba dododo. <sup>10</sup>Ɔnɔkwali a, mlídé apíó ahógyipvá bubu Makedonia ɔmátó f́éé dwe dodo. Mú su apíó, anudé ipa bwíí há mlí aníaa, mlítráa dwe aba dɔn alí. <sup>11</sup>Mlípudínka iwísu ání mlétsiá tsiát́ó wankláán. Mlípɔ mlí íbɔ yó agyómá púki mlí iwísu, fé alíá anilébláa mlí, <sup>12</sup>méni mlíaa ahá ání bumegyí ahógyipú mlétsiá wankláán, mlíméstrá pu ansí dínká ɔhaasu.

### Ani Wíe Yesu Yinkí Bá

<sup>13</sup>Apíó, anidéklé aniaa mlíbú ɔ̀ɔ̀kwali ání ibu Akristofɔ́a bawú iwí, méni mluméetsiá gyi awirehɔ́ fé ahá ání amú ansí medín tɔ̀tɔ̀su. <sup>14</sup>Anulóhogyi ání Yesu lówu kúsú tsú afúlitɔ̀. Alí kén anulóhogyi ání Bulu ɔ̀békpa ahá ámúú bɔ̀hɔ́ mu gyi asa bowu ámu ba ni.

<sup>15</sup>Ani Wíe onutó atosunáhé anidé mli suná séi á. Aní ahá ání anutráa anutsie nkpa asa aní Wíe ɔ̀báke ibɔ́fun a, anuméegya awupú ámu nkpa yéfia mu. <sup>16</sup>Tsúfé aní Wíe ɔ̀bɔ̀kplón túmisu, \*Bulu-ɔ̀bɔ̀pu dehen ɔ̀béle ɔ̀nɔ̀, bɔ̀fulí Bulu ɔ̀kpe é bréá aní Wíe onutó dékplí tsú ɔ̀súsú ɔ̀bá. Ahógyipvá bawú bégyankpa kúsú. <sup>17</sup>Mu ɔ̀ma a, aní akɔ̀ankpawu é féé abóyɔ̀tu amú nwulútaato, aní féé abéyefia aní Wíe afútɔ̀. Tsú eke ámu a, abétsiá aní Wíe wá bré féé. <sup>18</sup>Mú su mliwu asún ánfí kíta iklun wa aba iwitɔ̀.

### Iwɔ̀sɔ̀da Gyo Ani Wíe Ibá

**5** <sup>1</sup>Apíó, imehián ání abówanlín bré pú ekeá asún ánfí ibéba sísí mli. <sup>2</sup>Tsúfé mli onutó mliyin ání aní Wíe ɔ̀báke amú ibéba bofwie anitɔ̀, fé alíá owikplu teba onyé. <sup>3</sup>Bréá ahá bee, “Owí latá, asún latá” á, alí bré ámuto béhi ní. Ibófwie amútɔ̀ fé alíá ikwí tekan ɔ̀tsi ɔ̀tsáwule pé. Dhaa méedali mótɔ̀. <sup>4</sup>Táme apíó, mli mú mliyin asún ánfí. Mú su mlímétsiá oklúntɔ̀, méni eke ámu méeba bofwie mliɔ̀ fé owikplu. <sup>5</sup>Wanki móa ɔ̀yi keheto abí mli féé mligyí. Megyí onyé ntée oklúntɔ̀ abí anigyí. <sup>6</sup>Mú su mliha agyo, animádidi fé aha bambá. Mliha adunka ansí iwɔ̀su, akí iwɔ̀su wankláán. <sup>7</sup>Onyé, adidípú butedídi. Onyé, nta abupú é butɔ̀bú ntá. <sup>8</sup>Táme aní mú á, wankitɔ̀ abí anigyí. Mú su mliha agyi iwɔ̀su. Mliha Kristo hógyi pú aní abadwe ibwe kántɔ̀-atíntɔ̀ tin aní kántɔ̀. Mu ɔ̀kpakú ání ɔ̀bɔ̀hɔ́ aní nkpa ibwée kutupa ání ibun aní nwun. <sup>9</sup>Megyí alíá Bulu obénya ɔ̀blɔ̀ wa aní, bíti aní isu sɔ̀ ɔ̀lele aní. Mboún alíá ɔ̀bɔ̀tsun aní Wíe Yesu Kristosu hɔ́ aní nkpa su. <sup>10</sup>Kristo lówu há aní, méni mu bábi a, ní anlawú o, anbu nkpa o, ania munyɔ́ abétsiá. <sup>11</sup>Mliwu

asún ánfɔ kɩta klun wa aba iwɩtɔ, pɔwa aba ɔwɩnlín, fé alɩá mlɩdé mú bwe dodo.

### Uklá

<sup>12</sup>Apíó, abwíí ipa há mli, mlibu mli ɔnɔ alíupúá buhíé bude agyómá yɔ mlɩtɔ, bude mli anɩ Wíe tsiátɔ suná. <sup>13</sup>Gyuma ámúú budegyí amu su mlihiɛ bu amú, amlɩdwe amú. Iwilwii itsiá mliha mli aba nsuné.

<sup>14</sup>Apíó, anidé mli ɔlá da anɩaa, mlɩtɔɩ kpla awɩlyɔpú. Mliwa afúpú atetɔ-ɔnlun. Mlibua amúá bapɔn, amlɩnya klun ha ɔhagyíɔha. <sup>15</sup>Mliki ání ɔhaa mɔɔpu lalaha ká mu ba ɩkɔ. Mboún mlibwe yilé há aba pú ahá féé.

<sup>16</sup>Ansí igyí mli, <sup>17</sup>amlibɔ mpái brégyíbré. <sup>18</sup>Mlɩda Bulu ipán tógyítɔtɔ. Múgyí tɔá Bulu dédunká tsú mli wá mli nkpatɔ, bré ánfɩ mliha Kristo Yesunyɔ mlɩlabwé ɩkɩle anfi ní.

<sup>19</sup>Mlumákiná tɔá Ɖɛ Wankíhé amu tekle bwe.<sup>a</sup> <sup>20</sup>Mlumábu Bulu ɔnɔsú atɔípu asún ámu tɔku odu. <sup>21</sup>Mlɩsɔ tógyítɔ kɩ, amlɩkɩta múá ɩbu alétɔ kínkíínkín. <sup>22</sup>Mlikina lalaha kugyíku.

<sup>23</sup>Bulu téhá anɩ iwilwii. Ɖtún mli iwɩ ɔkpagyíɔkpasu. Ɖkú mli nyankpɩsa-oyí, mli ɔɛé pú mli ɔklásu tsú lalaha kugyíkɔtɔ, ménɩ ɔlala méetsiá mli iwɩ anɩ Wíe Yesu Kristo ɔbáke amu. <sup>24</sup>Bulu létɩ mli. Ɖnɔkwalɩpu ogyi, ɔbóbwe mú.

<sup>25</sup>Apíó, mlibɔ mpái ha anɩ é.

<sup>26</sup>Ahá ahógyipɩ amu féé itsiá gyágyáágyá. Mlɩlata aba puta ɔdwesu.

<sup>27</sup>Nde mli bláa anɩ Wíe idátɔ mbée, mlɩkla ɔwɩlú ánfɩ suna ahógyipɩ amu féé.

<sup>28</sup>Anɩ Wíe Yesu Kristo ogyíi mli buale.

<sup>a</sup> 5:19 Ntée Mlumádun Ɖɛ Wankíhé ogyá ámu.